

醫壘元戎

			一	漢
			二	書
			四	門
		五	二	
		三	三	
一	六	二		
二				
册	架	函	號	類

				內
			一	漢
			二	書
			四	門
		三	二	
		一	三	
三	函			
四				
架	册	號	類	

內閣文庫	
番號	漢 12423
冊數	12 (11)
函號	300 217

十一



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



300-217 12-11

12

江戶醫學

醫壘元戒卷第十一

日本

趙州教授進之王好善

明監察御史東萊

桂亭蔡本

兩淮運同四明屠本峻重刊

同書

兩淮運副姚江嚴昌世校正

厥陰證 先足經從湯液 後手經從雜例

王朝奉厥陰例

此二條議論本出仲景傷寒論并金匱要畧故錄於此湯液後

未厥

者手足厥逆也有陰厥有陽厥誤投藥則死可不

審乎 脉滑而厥者長有寒裏有熱白虎湯 常

器之應云下者宜用柴胡加甚硝湯此陽厥也

張翼云於厥者四肢逆冷脉沉微而不數足多攣
卧惡寒或引衣自覆也其伏熱在內而厥者脉雖
沉伏按之至骨而來數也其人或引飲或揚手擲
足煩燥不得眠或發狂或大小便不利所見皆熱
證也宜隨證下之 假今大便難識語發狂宜承
氣湯下之小便不利發黃宜茵陳蒿湯下之若喜
忘大便下黑物是兼有瘀血以棗仁承氣湯下若
發斑宜白虎湯紫雪之類若兩脉俱不見者亦止
以外證辨冷熱也後須參以脉為準 常器之云

凡厥當求得病之因若初得病便四肢逆冷脉沉
細而不數或身上粟起下利清穀或清便自調謂
大小便如常者爲寒厥也若初得病便身熱頭痛
外別有陽證至二三日乃至四五日方發厥故須
至三二日後也更以餘證參之 孫兆云陽病深
熱而厥畢竟脉緊外證須狂語揭衣被也陰厥按
之脉沉遲而形靜也若證不明未便陰陽者且與
四順丸試之是陽厥便見熱證若陰厥便見寒證
可漸進理中四逆也 四順丸卽理中丸加甘草

一倍是也 高保義云寒厥則證多靜而了了脉
雖伏若實按之遲而弱也熱厥外證多昏寒脉雖
伏若實按之湏挾數而有力也

仲景吳茱萸湯 當歸四逆湯 當歸四逆加吳茱

萸湯 已上三藥並見陰證論

活人論厥陰藥 並見陰證論

正陽散 有卑
痰

霹靂散

火焰散 有臘
漆

肉桂散

有柴胡
吳茱萸

四陽丹

有茱萸
蝎梢

已上四藥皆有厥陰之劑隨經所宜則可

厥陰身青黑花厥一條

並見陰
證畧例

古方治頭痛欲裂者

憑此藥有
高下之分

右用當歸一兩酒一升煮取六合如心痛細末調

服方寸七 小便出血細末酒煮服 治頭痛不

言未只言二兩酒煮意在取清也治心痛言末酒

謂意在取濁也乃清則行而上濁則沉而下小便

出血酒煎細末此之心疼又熱故入下極之分故

治頭治心治小便自有高低之分古人已分治之

不得不辨耳

四物蒼朮各半湯

與活血丹相表裏治四肢疼痛不能舉動

仲景治嘔而腦滿者茱萸湯主之

吳茱萸

一斗

棗

二十枚

生薑

一兩

人參

一兩

右水五升煎取三升每服七合日三如乾嘔吐涎沫而頭痛者亦主之 又南行竹枝主大小便卒

關格不通取之度如手第二指中節含之立下出

活血丹

與四物蒼朮各半湯相表裏治遍身骨節疼痛有神

熟地黄

三兩

當歸

白朮

白芍藥

續斷

人參

各一兩

右細末酒糊丸桐子大

益血丹

治大便秘久虛吐血

當歸

酒浸焙

熟地黄

各等分

右細末煉蜜為丸彈子大細嚼酒下

四物湯例

四物湯

主治並見局方

熟地黄

當歸

芍藥

川芎

右依古法多不效易老四時運氣加減例與諸六合等湯十餘條並見二十五論婦人有身傷寒畜

血不宜用墮胎藥下之宜四物加浸浸大黃湯及
生地黃下之子母兩全經云有故無損也四物與
紫蘇飲相合名補心湯治虛熱四物與調胃承氣
各半爲玉燭散四物與理中湯各半流濕潤燥四
物與縮砂四君子湯各半名八珍湯保胎氣令人
孕

四物膠艾湯治胎漏血崩不止

四物湯加阿膠甘草艾

右通七味治諸漏不止小產胎傷產後餘血仍作

堅硬子宮不閉淋血不止數月不定宜斷血湯牡
丹皮散主之

活人四物加減例

妊婦下血者加膠艾 熱與血相搏口舌乾渴飲
水加括萋麥門冬 腹中刺痛惡血不下加當歸
芍藥 血崩者加地黃蒲黃黃芩 頭昏項強者
加柴胡黃芩 因熱生風者加川芎柴胡防風
臟秘澁者加大黃杏仁 滑泄者加官桂附子
嘔者加白朮人參生薑 大渴者加知母石膏

發寒熱加薑牡丹皮芍藥柴胡 水停心下微吐
逆者加猪苓茯苓防已 虛寒似傷寒者加人參
柴胡防已

潔古老人加減法數條並見二十五論雲歧子加減
法并治傷寒例並見金匱玉函經

四君子湯合四物湯爲八珍湯

治女子不孕癯閉遺溺嗑乾女子因服執藥嗑乾
者亦凶血損氣之所教也宜八珍湯

人參 縮砂 白茯苓 甘草

麤末水煎服清

芎歸湯

易簡十全大補湯與
校正同並見局方

治產後去血多崩中不止去血多金瘡破傷去血
多牙齒去血一切傷心懸眩暈目暗耳聾舉頭欲
倒

當歸

川芎

各三兩

右水四升煮取二升去渣分作二盞血定後次第
湯藥治之

保安湯

縮砂 甘草 與四物湯各半是也

四君子湯

人參 白朮 茯苓 甘草

右四君子湯當在太陰證後條下 四君子湯加

半夏附子桂為大半夏湯 四物加桂湯與海藏

黃耆湯各半同十全散加桂附子芍藥為附子海

百合四君子湯治老弱虛人不能眠 易老八

物湯並見證二十五條黃芩芍藥湯治血不止

四物膠艾湯藥內有甘草 易簡芎歸湯 產婦

諸證各隨六經以四物湯與仲景藥各半服之其
效如神四物湯與桂枝麻黃白虎柴胡理中四逆
茱萸承氣涼膈等皆可作各半湯 此易老用藥
大畧

當歸地黃丸 安胎 補虛

當歸 酒浸 地黃 酒煮

蜜丸桐子大酒下食前

四物二連湯

治男子婦人五心煩熱或因傷酒或因產亡血或

勞虛發熱之並治之

四物湯加黃連 胡黃連 各等分

右哎咀每服三錢水二盞煎至八分溫飲清或為

細末蜜丸桐子大每服二十九臨卧溫水下地黃

須用生者

四神散 治婦人血氣心腹痛不可忍者

當歸 芍藥 川芎 各一兩 乾薑 炮半兩

右細末熱酒調服三錢

二補丹 治婦人男子便爽久虛氣血俱亡

蒼朮 熟地黃 等分

右細末蜜丸桐子大空心酒下

地黃膏子煎

十月採地黃二十五斤取自然汁以木炭火一十

八斤熬成膏點服與蒼朮煎合點服尤佳

真降心丹 並見局方

易簡增損四物湯

治婦人血氣不足四肢怠惰乏力少氣兼治產後

下血過多榮衛虛損陰陽不和乍寒乍熱並宜治

之

當歸 川芎 芍藥 人參 乾薑

甘草 各等分

右咬咀每服四錢水一盞煎至六分去渣溫服若
產後寒熱腹中刺痛則有敗血當服五積散醋煎
及大聖散之類若所下過多猶有刺痛亦宜服上
二藥 一方治經血凝滯腹中血氣作疼用四物
湯加白朮官桂等分名六合湯 一方治下血不
止及妊婦胎動加熟艾乾薑甘草阿膠黃芪等分

名膠艾湯 一方治血痢加膠艾 治產後血暍

口乾煩渴加括蕒麥門冬 煩熱小便澁大便秘

加大黃棗仁兩脅脹加厚朴枳實虛煩不得睡加

竹葉人參大渴煩燥加知母石膏 一方治婦人

血虚心腹疴痛不可忍者去地黃加乾薑名曰四

神湯 大率產後不問下血多少須日進黑神散

三服下血少者以大聖散間之至二臘以後腹內

若急疼痛方服四物湯建中湯之類若早服之則

補住敗血為後患不淺黑神大聖非逐血藥但能

推陳致新多服不妨今人往往疑其逐血性寒則
不看其用藥可見矣若惡血去多徐徐補之亦不
爲晚不可姑息以貼後患且如古方用四順理中
凡爲產後進食之劑旣用蜜丸又倍甘草甘甜特
甚豈能快脾不若只用理中湯少損甘草素有痰
飲者二陳湯之類服之爲佳且如妊婦惡阻古方
有茯苓丸內有地黄竹茹川芎輩能定嘔服之則
愈見增據大抵惡阻皆由素有痰飲以致之可用
二陳湯改名小茯苓湯用之極效不可不知也

易簡芎歸湯

治一切去血過多眩運悶絕不省人事傷胎去血
產後去血崩中去血拔牙去血金瘡去血不止者
心煩眩暈頭重目暗耳聾舉頭欲倒悉能治之

川芎

當歸各等分

右咬咀每服四錢水一盞半煎至七分去查熱服
無時 若產後眩暈宜加芍藥服之 不因去血
過多則是痰飲眩暈各用二陳湯四七湯之類各
見本方 芎歸湯其名甚多一名桂香散治產後

腹痛不可忍者加官桂等分酒與小便合煎服之
立効 一名當歸湯治妊婦或子死或不死胎動
每服用水酒合煎連進數服胎若已死服之卽下
若未死者其胎卽安此藥累用之萬無一失 一
方佛手散治產後胎前腹痛體熱兼治產後諸疾
逐敗血生新血 一方羊肉湯治虛損羸之腹中
疼痛往來寒熱吸吸少氣不能支持頭眩自汗腹
內搏急每服加精羊肉一兩生姜十片水二盞煎
至六分 一名琥珀散臨用服之則縮胎易產

萬口君臣散治室女婦人心腹疼痛經脉不調用
水煎服 妊婦胎氣不安產後諸疾加酒煎服
難產倒橫子死腹中先用黑豆一大合炒熟水與
小便同煎連進數服卽效 產後多用百草霜香
白芷等分爲末每服二錢童子小便好醋各一合
沸湯浸服一服見效甚者兩服以分免矣 一法
五積散加醋煎服亦能催生產後惡血注心迷亂
喘急心脇作痛亦用黑豆加生薑自然汁半合煎
服此兼治腸風臟毒每服加槐花末半錢服之三

日取下血塊即愈吐血亦宜服產後頭痛加荆芥煎若崩中漏下失血過多不能止服煎藥不效者用香附子炒去皮毛每服一兩入甘草一錢沸湯點服仍用震靈丹間之有白帶者加芍藥半兩則以白丹間之一法治赤白帶下用芍藥乾薑等分爲末米飲調下久久服之皆能作效或謂香附子耗氣則不然此藥資血養氣婦人之仙藥雖羸劣之人尤宜服之

易簡熟地黄丸

與校正同主治脩製並見局方

白芍藥散

治婦人赤白帶下臍腹疼痛有神

白芍藥

二兩

乾薑

半兩

右爲細末每服三錢空心溫米湯調下晚又進一服十日作效

溫六湯

四物湯加羌活等分一本加白朮茯苓海藏

又正上五味只爲蒼朮相拌治諸痛有神

又方與白朮相拌和

天麻

茯苓

穿山甲

右別為細末酒煮或調服亦可

羌活龍膽湯

治目赤暴發雲翳疼痛不可忍

右四物各半兩加

羌活

防風

各三錢

草龍膽

防已

各二錢

不犯鐵器杵為細末水煎服

地黄膏子丸

治男子婦人臍下奔豚氣塊小腹疼痛卵痛即控
畢相似或微腫陰上腫心腹不可忍者官煎紀藥

血竭

沉香

木香

廣茂

故

玄胡

蛤蚧

人參

當歸

川練

麩炒

芍藥

川芎

續斷

白朮

全蝎

炒

柴胡

茴香

炒

沒藥

已上分兩不定

隨入加減用之

多氣者加青皮陳皮多血者加肉桂吳茱萸

右同為細末地黄膏子丸桐子大空心温酒下二

十九丸每日加一丸加至三十丸

神方驗胎散

婦人三二箇月經血不行疑似雙身却疑血滯心
煩寒熱恍惚此藥可驗取之內也外以身病急邪

脉素問脉推之十得八九矣

真雀腦芎

一兩

當歸

全用重兩者
只用七錢

右二味為細末分作一服濃煎好艾湯一盞調下
或好酒調服亦得可待三兩箇時廁間覺臍腹微
動仍頻卽有胎也動罷卽愈安穩而無虞如不是
胎卽血滯惡物行過母亦安也如服藥後不覺效
再煎紅花湯下必有神效

靈苑丹

治婦人血脉經
住三月驗胎法

真川芎

不以
多少

右為細末濃煎艾湯下一七 腹內微動是有胎
也

治崩不定或淋漓年久者

白礬

溶開成
汁一兩

沒藥

一錢

硃砂

半錢

黃丹

半錢

右件將白礬溶開成汁下餘藥細末一處攪勻就
成丸子如彈子大每服一丸新綿裹定內陰中立
效

歸人月事不至是為胎閉為血不足宜服四物湯婦
人崩者是為血有餘也亦服四物湯者何也答曰

婦人月事不至者內損其源不能生故胞閉不通
是血不足宜服四物湯是血原和血之藥也婦人
崩中者是血多也暴損其原是火逼妄行涸竭爲
枯亦宜四物湯是潤燥益原之藥也

素問曰諸水病者故不得卧臥則驚驚則欬甚也腹
中鳴者病本於胃也薄脾不煩則能飲食不下者
胃脘膈也身重難人行者胃募在足也月事不來
者肥脉閉也把脉難屬心而格於胞中令氣上逼
肺心氣不得下通故月事不來也

易簡惺惺散

並見前
太陰證

卽四君子湯加

木香

藿香

乾葛

治小兒泄瀉胃熱煩渴不問陰陽此一法與錢氏意
同實則泄其子上逆行而南故白朮茯苓之類

保安湯

治藥其揭刺
胎動不安

黃芩

縮砂

酒水煎服

海藏當歸丸

治三陰受邪心膈
小腹疼痛黃鄉等

右四物湯各半兩加防風半兩

獨活

半兩

續斷

一兩

全蝎

半兩

苦練

七錢

玄胡

七錢

木香

半一錢

丁香

半二錢

茴香

炒一兩

同為細末酒糊丸空心温酒下三五十九大效

易簡酒煮當歸丸

主治並見活法機要

千金白朮丸

治經水適來適斷多少不勻淋漓不斷臍腹腰痛

虛弱不食經水或青黃黑色水水肢體沉重

白朮 白石脂 牡蠣 禹餘糧 烏魚骨

龍骨 細辛 各二錢 當歸 茯苓 乾薑

黃連 桂心 人參 瞿麥 石葦

白並 白欵 附子 甘草 炙各四錢 芍藥 四錢

細末蜜丸桐子大空心酒二十九日進三服至候

來時日四五服

加減白朮丸

前藥內加

藁本 甘草 大黃 各二兩

若十二癥倍

牡蠣 禹餘糧 烏魚骨 白石脂 龍骨

若九痛倍

白欵 甘草 當歸 黃連

若七害倍

細辛 藁本 甘草 花椒 茱萸

若五傷邪者倍

大黃 石葦 瞿麥

若三痼倍

人參 白礬 巴戟 赤石脂各二分

右各隨證加減主治並見金匱

十全博救方治橫生
產難

蛇皮一條瓶子內塩泥固濟燒黑存性每服二錢

榆白皮湯調服立效

產書云治產不順手足先見者蛇皮燒灰研面東酒服一錢 更以藥末傳手足即順生也

王紹顏信効方云頃年得腰膝痛不可忍醫以腎風攻刺諸藥不効見傳信方有此驗立製一劑神效故錄之

海桐皮二兩 牛膝一兩 川芎一兩 羌活一兩

地骨皮一兩 甘草半兩 五加皮一兩 薏苡仁一兩

生地黄十兩

右九物淨洗焙乾細剉生地黄以蘆刀子切用綿一兩都包裹入無灰酒二斗浸冬二七日夏七日候熟空心飲一杯或控乾焙末蜜丸亦得

苦練丸 治奪脉小腹痛神效

川練子 各二兩 附子 一兩焙去皮

右三味酒二升煮盡為度焙乾細末之每秤藥味一兩入玄胡索半兩全蝎一十八箇炒丁香一十入箇別為末二味勻酒糊丸桐子大温酒下五十九空心服痛甚加當歸煎酒下

茴香湯

茴香 九錢二分 苦練 三錢二分 甘草 一兩一錢 鹽 一兩七錢

一分已上 四味炒熬 陳皮 二錢二分 去白秤

右細末空心點服

四聖散

茴香 炒 苦練 炒 全蝎 炒 胡椒 量情加減

右細末鹽湯點服一法加玄胡木香寒者加桂附

又方破聖散

破故紙 二兩 蘿蔔子 一兩

右細末皂角子丸桐子大鹽湯下三五十九
茴香散

茴香兩

巴豆七箇去皮油

右二味同炒茴香黃色去豆不用好紙上鋪藥以
盆合之一宿去火毒為末每服三錢酒調下酒糊
丸亦得

錢氏捻頭散

又茴香丸茴香良薑肉桂蒼朮酒糊丸

仲景療狐疝氣偏有大小時時上下者蜘蛛散主之

方

蜘蛛十四枚焦炒

桂半兩要入厥陰取其肉厚者

右為散每服一錢七蜜丸亦可 雷公云凡使勿
用五色者兼身上有刺毛生者并薄小者已上並
不堪用凡須屋西南有網身小尻大腹內有蒼黃
膿者真也凡用去頭足了碾如膏投藥中用此除
方之法若仲景炒焦用全無礙 陶居士云取其
網着衣領中辟忌詩蠨蛸戶庭正謂此也 千金
治人心孔昏塞多忌喜誤七月七日取蜘蛛着衣

領中勿使人知則永不忘也 狐之名夜伏而晝見以其疝氣處厥陰中分即人之陰募隱奧之所故以狐疝名焉 疝即病之名卯即其名也 經亦以控卯稱之又作凡腫呼之 太陽受寒血凝為癥太陰受寒氣聚為疝小兒疝氣偏大如石厥陰之分亦大陰主之故帶之為病太陰主之以灸章門三穴麥粒大各三壯效

集驗方

治男子陰腫如斗大并核腫痛人所不能者

右蔓青根搗傳之腫處

八風五痺

黃帝問曰風之傷于人也或為寒熱或為寒中或為熱中或為厲風或為偏枯或為風也其病各異其名不同或內至五臟六腑不知其解願聞其故岐伯對曰風氣藏於皮膚之間內不得通外不得泄風者善行而數變腠理開則灑然寒閉則絕熱而悶其寒也則褰衣食飲其熱也則消肌肉故使人怯慄而不能食名曰寒熱風氣與陽明入胃循脉而上至目內皆其人肥則風氣不得外瀉為熱而

自黃人瘦則外泄而為寒中而泣出 風隨四時
各入五臟為名各入其門戶所中為偏風 風氣
循風腑而上為腦風風入系頭為目風眼寒 入
房汗出中風為內風 飲酒中風為漏風 新浴
中風為首風 在外腠理為泄風 久風入中為
腸風飧泄 肺風多汗惡風時欬短氣暴甚晝差
診在眉色白 心風焦絕善怒言不可快診在口
色赤 肝風善悲色蒼隘乾憎女子診在目下色
青 脾風怠惰四肢不欲動不嗜飲食診在鼻色

黃 腎風面龐然浮腫脊痛不可正立隱曲不利
診在肌色黑胃風頭汗多惡風飲食不下膈塞不
通腹滿失衣食寒則泄診在形衰而腹大 首風
頭面多汗惡風先一日病甚頭痛至其風日却少
許 漏風多汗不可單衣食則汗出身體自汗惡
風衣濡渴不柰勞也 泄風多汗惡風汗出泄衣
口乾上漬風不能勞事身盡疼痛則寒 古中風
之病至而治之湯泄十日以去八風五痺之病
八風謂八方之風五痺謂皮肉筋骨脈之痺也

靈樞經曰風從東方來名曰嬰兒風其傷人也內舍於肝外在於筋 風從東方來名曰弱風其傷人也內舍於胃外在於肌 風從南來名曰大弱風其復人也內舍於心外在於脉 風從西南來名曰謀風其傷人也內舍於脾外在於肉 風從西方來名曰剛風其傷人也內舍於肺外在於皮 風從西北方來名曰折風其傷人也外在於手太陽之脉內舍於小腸 風從北方來名曰大剛風其傷人內舍於腎外在於骨 風從東北方來

名曰凶風其傷人也內舍於大腸外在於腋脅又脾論曰以春甲乙田傷於風者為筋痺以夏丙丁日傷於風者為脉痺以秋庚辛日傷於風者為皮痺以冬壬癸日傷於風者為骨痺以至陰遇此者為肉痺此所謂八風五痺之病也

按新拔正云按此註引痺論今經中痺論不如此當云風論曰以春甲乙日傷於風者為肝風以夏丙丁日傷於風者為心風以季夏戊巳日傷於風者為脾風以秋庚辛日傷於風者為肺風以冬壬

癸日傷於風者爲腎風 痺論曰風寒濕三氣雜
至合爲成脾以冬遇此者爲骨痺以春遇此者爲
筋痺以夏遇此者爲脉痺以至陰遇此者爲肉痺
以秋遇此者爲皮痺 氣血云帝曰餘已知風穴
之處游針之居願聞孫絡谿谷亦有所應乎岐伯
曰孫絡三百六十五穴會亦有應一歲有溢奇邪
以通榮衛稽留衛散榮溢氣竭無着外爲發熱內
爲少氣疾瀉急急以通榮衛見而瀉之其間所會
帝曰願聞谿谷之會岐伯曰肉之大會爲谷小

會爲谿肉分之間谿谷之會以行榮衛以會大風
邪溢氣壅脉熱內敗榮衛不行必將爲膿肉消骨
髓外破大膈流於節腠必將爲敗積寒留舍榮衛
不居卷內縮筋肋肘不得伸內爲骨痺外爲不仁
命曰不足大寒留於谿谷也谿谷三百六十五穴
會亦應一歲其小痺淫溢循脉往來微針所及與
法同源痺在皮寒在脉血凝在筋屈不伸在骨重
在肉不仁在皮膚易已在筋骨疼入腸則死陽多
陰少爲熱痺陰多陽少爲寒痺陽少陰盛汗出爲

濡肌痺至陰遇此也五痺不已重感於邪內舍於臟各有所歸淫溢之氣妄行隨臟所主而入為痺也行痺風勝周痺熱着痺濕勝痛痺寒勝諸痺不已亦益內也下有胞痺等當在此下

八風五痺

筋痺春遇 脉痺夏遇 皮痺秋遇 骨痺冬遇
頭風 腦風 迎風發大寒腦痛漏風酒消
瘟風成癩 伏梁為風根 震汗憎風 胞痺
腸痺 熱痺當在五痺下

四時之正氣八節之風來朝天乙風氣安靜乃可利經脉調血氣故曆志忌之八節前後各五日不可灸刺風朝太乙具見天元玉冊八正者所以候八風之虛邪以時至者也 四時者所以分春夏秋冬之氣所以在時調之八正之虛邪而避之物犯也以身之虛逢天之虛兩虛相感其氣至骨入則傷五臟故曰天忌君子不可不知也 海藏云豈特八風而已凡遇七十二候中諸節候之氣寒暑溫涼應爾其變異常者可避忌之 酒濕之為

病亦能作痺證口眼喎斜體曳半身不遂渾似中風舌語不正當泄濕毒不可作風病治之而苦汗也衍義所論甚當易簡所言與此相同見參蘇飲條下

八風散

治八風十二痺猥腿病半身不遂節痛皮癢筋緩急痛不在一處目眩失神恍惚妄言身上痞癩面上疱起黃汗滌燥濕不等顏色乍赤乍白乍青乍黑乍寒乍熱身反張一切等證

麻黃 白朮 各一斤 括蕞根 甘草 蔓薺

天雄 白芷 防風 芍藥 石膏

天門冬 各十兩 羌活 二斤 黃芩 一斤玉兩

山茱萸 食茱萸 二斤 躑躅花 二斤

茵陳 十四兩 大黃 半斤 細辛 乾薑 桂心 各二兩

丹參 雄黃 硃砂 各一兩另碾

右二十五味為散酒服方寸七日一服一月後再五十日知一日日差一歲可常服先食

患熱風者先治熱毒治四肢不收不能用力失神不

知人合三汁法

竹瀝汁 生葛汁各一升 生薑汁三合

右三味相合温煖分三服平旦日晡各一服訖覺四肢有異風疾人多慾者加薏苡仁人參不能屈伸者加牛膝文潞公藥準所載外臺荆瀝竹瀝法并大續命後竹瀝法並見前

四季之風其傷人也各舍本藏先外後內難經云妄不受邪者乃是也

金匱要略中風歷節病脉證治後代明醫諸書所說皆取此為法

夫風之為病半身不遂或但臂不遂者此為痺脉微數中風使然寸口脉浮而緊緊則為寒浮則為虛寒則搏邪在皮膚浮者血虛脉絡空虛邪賊不瀉或左右邪氣反緩正氣即急正氣引邪啗僻不遂邪在於絡肌膚不仁邪在於經即重不勝邪入於腑則不識人邪入於臟則舌強難言口吐涎末

候氏黑散外臺治風痼治大風四肢煩重心中惡寒不足者

菊花四分 白朮十八兩 細辛五分 牡蠣燒三分
桔梗八分 防風十八兩 人參三分 白礬枯三分

黃芩五兩

當歸十八兩

乾薑三分

川芎三分

桂枝

去皮三分茯苓三分

右十四味為散酒服方寸七日一服初服二十日

溫酒下之禁一切魚肉大蒜當宜冷食六十日止

即藥查在腹中不下也熱食即下矣冷食自能助

藥外臺有中乳一分無桔梗

主癩癩方

大黃 乾薑

龍骨各四兩

桂枝去皮一兩

甘草炙二兩

牡蠣燒二兩

滑石 石膏

凝水石

赤石脂

紫石英

白石脂各四兩

右十二味杵籠篩以韋囊盛之取三指撮并花水

三升煮三沸去粗溫服一升深師云大人風強少

水驚癩瘰癧日數十發醫所不治除熱方效宜風

引也

防已地黃湯

治病如強狀妄行獨語不休無寒熱其脉浮者

防已

一分

桂枝

去皮三分

防風

三分

甘草

炙二分

右四味咬咀以酒一杯漬之一宿絞取汁取生地

黃二斤呔咀蒸之如粟米爛飴以銅器盛其汁更絞地黄等汁和分再服

頭風摩散方

大附子

炮去皮臍

鹽

各等分

右二味為散沐了以方寸七摩臍上令藥行

寸口脉浮而弱沉即主筋浮即主腎弱即主肺出入

水中如水瀉心歷節黃汗出故曰歷節

跌陽脉浮而滑滑則穀氣實浮則汗自出少陰脉浮

而弱則血不足浮則為風血風相搏即疼如掣盛

人脉濇小短氣自汗出歷節疼不可屈伸此皆飲酒汗出當風所致節即疼身體塊癩脚腫如脫頭眩短氣温温欲吐者以

桂枝芍藥知母湯主之

桂枝

四兩去皮

芍藥

三兩

甘草

炙二兩

麻黃

一兩去節

白朮

五兩

防風

四兩

生薑

五兩切

川子

三兩炮去皮臍

知母

四兩

右呔咀以水七升煮取三升去粗温服七合日三

服

烏頭湯治歷節疼痛不可屈伸

烏頭

咬咀以蜜三升煎至一升即取烏頭

甘草

炙一兩

麻黃

去節

芍藥

黃芪

各二聖

右四味咬咀以水三升煮取一升去查內蜜煎熟溫服七合不知再服之

治脚色衝心方

右以礬石二兩將水一升五合煎數沸浸脚良

附方續命湯

治中風排身不能自收口不能言冒昧不知痛處

或拘急不得轉側

麻黃

三兩去節

桂枝

去皮

當歸

人參

乾薑

石膏

碎綿

甘草

炙各三兩

川芎

一兩

杏仁

十四枚去皮尖

右九味咬咀水一斗煮取四升去查溫服一升當小汗薄覆被憑几坐汗出即愈不汗更服無所禁勿當風 姚云與大續命湯同兼治婦人產後去血者及老人小兒尤宜服 并治但伏不得卧欬逆上氣面目浮腫古今錄驗方 范汪云是仲景方欠兩味

三黃湯

治中風手足拘急百節疼痛煩熱心亂惡寒不下食

麻黃

去節五分

獨活

四分

細辛

二分

黃芪

二分

黃芩

三分

右五味咬咀以水七升煮取二升去渣分溫三服一服小汗兩服大汗心熱加大黃二分腹痛加枳實一枚氣逆加人參三分悸加牡蠣三分渴加括萎根三分先有寒加附子一枚

見十金方

八味丸

治風虛頭眩苦極口不知味腹饑溫中益精氣附子湯方見風濕中見近效治脚氣上入小腹不仁

熟地黄

八兩

薯蕷

四兩

澤瀉

二兩

山茱萸

四兩

牡丹皮

二兩

桂枝

去皮三兩

茯苓

三兩

附子

去皮臍三兩

細末練蜜丸桐子大酒下十五丸日再服加至二

十五丸

易催氏

越婢加朮湯

治肉極熱則身體津脫腠理開汗大雪厲風下焦

脚氣並治之

麻黃去節六兩

石膏斤半

生薑三兩切

甘草炙二兩

大棗十枚擘

白朮四兩

右六味以水六升先煮麻黃再沸去上沫內諸藥煮取三升去渣分温三服惡風加附子一枚炮見

金方

風癰例

經云因母腹中感驚風氣而得後成人至欲壯纔發是其源也

五癰五獸

犬癰反折上窺犬叫肝也 鷄癰驚跳反折鷄叫

肺也 羊癰目瞪吐舌羊叫心也 蛇癰弄舌搖

頭心也 牛癰目直視腹滿牛叫脾也 猪癰如

尸吐沫猪叫腎也 已上五癰重者死病後甚者

亦死 錢氏云大喜後食乳食多成驚癰 大哭

後食乳食多成吐瀉 服冷乳則青 食熱乳則

瀉黃 男發搐目左視無聲右視有聲 女發搐

目右視無聲左視有聲相勝故也別有發時證

炒香丸 並見局方

後有蝎稍丸 一名靈砂歸命丹

治小兒每一粒分作一十五丸每服二丸蜜水下

此治脉有方内熱無力外寒五生丸治之

鶴頂丹 硃砂丸 錢氏抱龍丸 錢氏安神丸 主治

並見本方 山藥 牙硝 龍腦 麥門冬

凝水石

東垣先生驪珠丹 治老人虛熱皮燥不食安神

人參 沉香

局方甘露丸 主治並見本條

至寶丹 治命金丹 不換金丹 蝎稍丸 軟金

丸 並見玉麝犬通痺本瓜後

易簡三生飲

治卒中昏不知人事口眼歪斜半身不遂咽喉作聲痰氣上壅無問外感寒內傷喜怒或六脉沉伏或脂下浮盛並宜服之兼治痰厥飲厥及氣虛眩暈悉有神效但口開手散眼合遺尿聲如鼾鼻者並難治療

南星一兩

川鳥半兩

生附半兩

木香一分

右咬咀每服半兩水二盞薑十片煎至六分去渣
溫服或口禁不省人事者用細辛皂角各少許為
細末以蘆管吹入鼻中候噴嚏其人少蘇然後進
藥疾涎壅盛者每服加全蝎四枚仍用養正丹鎮
墜之一法氣盛人止用南星半兩木香一錢加生
薑七片煎名星香散一法氣虛人用生附子并木
香如前數煎名附香飲亦有天雄代附子者並治
卒中始作無不尅效 因氣中以淨湯化蘇合香

丸乘熱灌服仍用前藥汁濃磨沉香一呷許再煎
一沸服之候服前藥已定審其的然是風方用醒
風湯小續命湯之類 中寒只用附子理中湯姜
附之 中濕則白朮酒朮附湯之類皆可用 中
暑不錄於此痰飲厥逆氣虛眩暈止守本方

五生丸

李仲南傳
治痛有神

南星

半夏

川鳥

白附子

各一兩

大豆

去皮秤
一錢半

右細末滴水為丸桐子大每服三丸至五丸不得

過七丸姜湯下

局方生白丸

治風大痛
筋脉攣急

白附子

三兩

南星

三兩

半夏

七兩

川芎

半兩已
上咬咀

銀器磁器內將水煮
五沸取出焙乾用

右細末糯米麩糊為丸如桐子大生姜湯下二十

丸不拘時

局方青州白丸子

治男子婦人半身不遂手足頑麻口明溲料痰涎
壅塞一切風病他藥所不能療者小兒烏風大人

頭風洗頭風婦入血氣並宜治之

南星

三兩
生用

半夏

水泡七
兩生用

白附子

二兩
生用

川烏

生去皮
齊半兩

右搗羅極細末以生絹囊盛用井花水未去者更
以手揉令出如有查更研拼入絹袋擺盪為度於
磁盆中日曬夜露至晚棄水別用井花水攪又擺
至來日早再換新水攪如此春五日夏三秋七冬
十日去水曬乾後如玉片碎碾以糯米粉煎粥清
為丸如菉豆大初服五丸加三服至三日後浴當

有汗便能舒展服經三五日呵欠是應常服十粒
以來亦無痰膈塞之患小兒驚風薄荷湯下三兩
丸

易簡青州白丸子

主治脩製
並見本方

南星 白附子 半夏 川烏

右每服五十丸生姜湯下此藥本方所服丸類極
少恐難愈病今加數服之咳嗽痰實咽喉作聲老
人小兒宜加服之 一切痰涎爲患及中風偏癱
之疾常服悉有神效 若小兒瀉後發熱多作慢

驚常雜以金液丹用之甚驗 男子婦人小兒小
便白濁及思念過多致陰陽不清濁相干此藥
極能分利 若心多驚悸夜卧不寧或復健忘甚
者狀如癩癩皆由心氣鬱結或思慮傷脾致痰飲
患節迷亂心經之所致也不宜劇用涼心之劑常
服此用溫膽湯佐之 若心中怔忡嘈雜暈眩頭
目昏沉肌肉瞶動頸項強痛四肢痠痛手足戰曳
甚者半身不遂多因痰飲使然若例作心病風病
并寒濕治之恐非其宜亦當用之仍以利痰飲之

劑服無不應手而愈一方用南星白附子等分半夏倍之滴水為丸服之亦效

白茯苓丸 此皆治癩症

南星 半夏 白朮 白附子 茯苓 白礬

右細末生姜汁滴丸棗豆大生姜湯下二三十丸無時

二白丸 此二味王分溫涼不可不察

白礬 一塊約一兩許

右用生蒸餅裹蒸熟去皮臨丸入輕粉一字或半

錢量虛實加減丸桐子大每服二三十丸姜湯下

小兒丸小

小靈寶丹

附子 炮二兩 天麻 全蝎 白姜蚕 炒

藿香葉 南星 炮 白附子 炮各半兩

右細末酒糊丸桐子大溫酒下十五丸

靈寶丹又有草烏黑豆製謂之窮靈寶丹

抱耗丸

枸杞 真者一兩 薑屑 一兩 半夏 天麻

白礬各一兩

右為細末好酒和作團以生蒸餅劑裹藥蒸熟去上薄皮搗和勻如硬洒酒些小可丸

治癩方治太陽陽明二經為病

荆芥穗四兩 白礬二兩為細末

右棗肉丸桐子大每服二十九荆芥湯下次服三十九次服四十九次五十九食前

食療云蛇脫皮主去風邪明目治小兒一百二十種驚癩寒熱腸痔蠱毒惡瘡安胎熬用治蛇癩弄舌

搖頭者宜用全脫也

狂邪顛癩之欲卧眠自賢自智驕居安行一體方此能

安臟下氣

右用白雄雞一隻煮熟五味調和作羹粥食之

古鏡味辛無毒主驚癩邪氣小兒諸惡疾煮取汁和諸藥煮服之文字彌古者尤佳

南星半夏例

加黃芩為小黃丸 加人參苦葶藶為定喘丸 又一法加硃砂煮半夏白附子糊丸桐子大每服十

五丸生薑湯下薄荷湯亦可

易簡紅丸子

脩合治療之法並見局方

蓬朮

三稜

橘皮

青皮

胡椒

乾姜

阿魏

礬紅

右每服六十九丸姜湯嚥下大治大人小兒脾胃之證極有神效但三稜蓬朮本能破癥消癖其性猛烈人不以此為常服之劑然今所用者以生產之處隔扎二藥不得其真乃以紅蒲根之類代之性雖相近不功力不同應老弱虛人小兒妊婦以其

治病不能傷耗真氣但服之兼疑此藥須是合令臻至用好米醋煮陳米粉為丸若脩合之時常去阿魏礬紅小橘皮煎治尋常飲食所傷中脘痞滿服之應手而愈 大病之後穀食難化及治中脘停醋並生姜湯下 脾寒瘡疾生姜橘皮湯下 心腹脹痛紫蘇橘皮湯下 脾寒作楚菖蒲湯下 酒疸穀疸遍身昏黃大麥湯下 兩脅引乳痛沉香湯下 酒積食積面黃腹脹時或乾嘔煨姜湯下 婦人脾血作楚及血癥氣塊經血不調或過時不

來並用醋湯嚥下寒熱往來者尤宜服之 產後
狀如顛癇者此乃敗血上攻迷亂心神所致當以
此藥熱醋湯下其效尤速 男子婦人有癩之患
者未必皆因心經蓄熱亦有因胆氣不舒遂致痰
飲上迷心竅故成斯疾若服涼劑過多則愈見昏
亂常以此藥衣以辰砂用橘葉煎湯嚥下名小鎮
心丸 妊婦惡阻嘔吐全不納食百藥不治惟此
最妙乃佐二陳湯服之但人疑其墮胎必不信服
每易名用之時有神效但恐妊婦服之此後偶爾

損動必歸於此藥故不敢極言其效

局方紅丸子

治丈夫脾積滯氣胞膈滿悶面黃腹大四肢無力
酒積不食乾嘔不止皆脾連心胞反兩乳痛婦人
脾血積氣諸般血癥氣塊及小兒食積骨瘦面黃
腹脹氣息不嗜飲食漸成脾勞不拘老幼並宜服
之

廣茂

五斤

青皮

五斤

胡椒

三斤

乾姜

三斤

陳皮

四斤去白揀淨

京三稜

三斤水浸令軟切片子

右件六味並為細末醋糊丸桐子大礬紅為衣每服三十九丸食後姜湯下小兒臨時加減與之

局方蘇合香丸

療傳屍骨蒸殭殭肺痿瘵忤鬼氣卒心痛霍亂吐利時氣鬼魅瘴瘧赤白暴利厥血目閉痲痺丁腫驚癇鬼忤中人小兒吐乳大人狐狸等病

蘇合香油 一兩入安息膏內 白朮 二兩 青木香 二兩

硃砂 二兩碾水飛 白檀 剉三兩 薰陸香 另研一兩

沉香 二兩 烏犀 錫屑二兩 安息香 二兩

無灰酒 一斤熬骨 香附子 二兩去皮 訶梨勒 三兩煨取皮

龍腦 一兩研 麝香 一兩 華撥 三兩

右細末入研藥勻用安息香膏并練白蜜和劑每服施元桐子大早取井花水溫冷任意化服四丸老人小兒可服一丸溫酒化服空心服之用蠟紙裹一丸如彈子大緋絹袋當心帶之一切邪神不敢近

易簡蘇合香丸 主治脩製並見前局方

每服一二丸沸湯少許化服治卒中昏不知人事

及靈亂不止及心腹撮痛鬼注客忤癩癩驚怖或
顛撲傷損氣暈欲倒凡是倉卒之患悉能治療治
隨身不可暫闕辟諸惡氣并禦山嵐障氣無以喻
此若吊喪問疾之處尤不可無但市肆所賣多用
腦子當以火上焙去能者以酒調服若用心過度
夜卧不安尤宜服切效不可具述

返魂丹

治小兒諸風癩癩潮發癰瘰口眼相引項背強直
身關緊急目睛上視及諸病久虛變生虛風多睡

皆因荏苒不解宜服之

烏犀

錫屑二兩

水銀

半兩

天麻

酒洗切焙

楨榔

各半兩

姜蚕

去絲嘴微炒

硫黃

半兩為末明磁盞慢火養却入水銀急炒去青成砂要知

獨活

去蘆

川烏

燒通赤焰烟少許合舊新上卷之冷傾出 乾蝎

萆撥

各一兩

肉桂

去麁皮

防風

去蘆

沉香

槐膠

當歸

去蘆酒浸切焙炒黃

細辛

根

天南星

易洗姜自然汁煮軟細切焙乾炒黃

阿膠

杵碎蛤粉炒如珠子

藿香葉

去梗

烏蛇

酒浸一宿炙冷熱去皮骨用肉

白花蛇

酒浸一宿炙冷熱去皮骨用肉

羌活

去蘆

白附子

炮一兩

麻黃

去根

半夏

湯炮姜汁浸三

宿炒 羚羊角 鎊 陳皮 去白已上 天竺黃 研

木香 人參 去芦 乾姜 炮 茯苓 去皮 蔓荆子 去白

皮 晚蚕紙 微炒 藁本 去上 敗龜板 醋酒塗 炙黃

桑礫蛸 炒 白芷 何首烏 米湯浸 虎骨 醋酒 炙

黃 縮砂仁 丁香 白木 泔浸一宿 枳殼 去白 炒

厚朴 去麤皮姜汁塗炙 蟬殼 去土 川芎

附子 水浸炮 石斛 去根 肉豆寇 去壳 龍腦 另研

牛黃 研 硃砂 飛 雄黃 研水飛 麝香 另研 錢

烏鷄 一隻去嘴翅足 狐肝 三具已上二味臘月內瓦甌 盆蓋固濟水炭燒赤取出研

極 綱 金箔 二十箇 為衣

右藥五十八味並須如法製造杵令細煉蜜和合

入酥即搗二五千十九丸如桐子大金箔為衣每一

歲兒溫薄荷自然汁化下無時

入風例

海藏云撓萬物者莫疾乎風風者百病之長善行而數變衝蕩吹擊而無窮從前來者為虛邪從後來者為實邪自病者為正邪假令春得金風是為賊邪非牕牖之風為賊風也故古人云虛邪賊風避

之有則

局方八風丹

半夏白礬製一兩

白姜蚕炒

白附子炮各五錢

天麻酒浸

龍

麝香研各二錢半

寒水石燒赤水飛半斤

右細末入碾藥再碾勻煉蜜丸櫻桃大細嚼一九

荆芥湯茶湯任下食後服

辰砂天麻丸

天麻二兩

南星二兩姜汁浸切片

川芎二錢半

白附子炮五錢

白芷一錢八分半

麝香二錢二分半

石砂五錢一分半入藥一半為衣

右細末水糊丸桐子大荆芥湯下二十九無時

辰砂丸治心熱驚風痰涎壅塞

辰砂半兩

半夏湯洗一兩

蝎稍焙一錢

白附子焙二錢半

白姜蚕炒二錢

牛黃一錢

礞砂一錢研

右細末糊丸桐子大生姜荆芥湯下二十九無時

麝香全蝎散治小兒驚癇

麝香

硃砂各半錢七

全蝎一箇大者

右三味碾爛熱酒調下空心

立應散

治急慢製風

麝香

少許

蝎稍

二錢

金頭蜈蚣

分開曝乾

右為細末鼻內嚙隨左右用之

徐老丸

權藥皆生月常服皆製

南星

半夏

蛤粉

白礬

乾姜

大黃

黃連

黃蘗

牽牛

解語丸

治中風言語造次不正

白附子

石菖蒲

遠志

全蝎

羌活

天麻

南星

白姜蚕

右為細末蜜丸豆大服之

玉液丸

主治製並見局方

半夏

洗

白礬

寒水石

燒

玉芝丸

主治並見本方

人參

白礬

茯苓

南星

半夏

薄荷

人參半夏丸

玉芝加蛤粉

藿香

黃連

黃蘗

乾姜

寒水石

右末之上主藥並用糊為丸

與藏用丸相和為搜風丸與金花丸相合為軟金花丸

局方通聖白花蛇散 主治並見本條

天麻 赤前 防風 厚朴 藁本 海桐皮

華撥 不見火 木香 肉桂 杜仲 山藥

當歸 甘草 菊花 羌活 虎骨 醋炙 白芷

乾蝎 牛膝 酒浸 白花蛇 威靈仙 去土 蔓荆子 去皮

郁李仁 白附子 以上各等分

右細末每服一錢或二錢温酒調下荆芥湯亦得

空心服久病之人尤宜服之

木香保命丹

通聖白花蛇細散 星蟬蠶獨麝均攤

蜜丸如彈朱衣色 便是木香保命丹

仲景皂角丸例

皂莢丸 治效逆上氣燥濁立坐不臥

皂角一物杵末蜜丸桐子大大棗膏汁下

又一法加半夏一法加大黃一法加牽牛利膈一

法加槐莢子青皮半夏黑牽牛 右用生姜糊丸

桐子大生姜湯下一十五丸 孫真人治大小便不通關膈不利燒皂莢粥飲下三錢立通
崔元亮治咳嗽腹脹

灸皂角去弦

右細末蜜丸桐子大肉汁下十九丸後忌肉一月

皂角為君 一法加神麩 麥孽 半夏

白礬 南星 青皮 陳皮 白芷

右細末姜糊丸桐子大每服三十九丸姜湯下硃砂為衣

皂莢半夏湯 治痰胞中不散

皂莢五大錠打碎半下五兩二味同煮一日去皂莢取半夏晒乾為散每服一錢水一鍾生姜十片葱白三莖煎六分去渣溫服無

衍義云 治風涎潮熱寒氣不通

皂莢 灸一兩 白礬 生半兩 輕粉 半錢

右末之水調一二錢灌之須臾吐涎用丸者分膈下涎也

皂莢治喉閉遂巡不救方

皂莢

去皮子生半兩為細末筋頭點少許在痛處更以醋糊藥末厚塗頂上須臾便破血

出立效

皂莢丸

治咳嗽久不差

皂莢

不以多少去皮茲酥炙黃焦去子

右為細末蜜丸桐子大每服十九丸臨卧桑白皮煎

湯下

治煮中久病濕熱

皂莢與蒼朮燒之以辟濕熱疫氣溫邪

治遠年近日休息利皂莢不蛀者不以多少土磚

有焰盆子合定以土圍之存性搗為末每服二

錢茶末一錢相和白湯點服病雖大不過三五

愈日可二服

枳殼丸

皂角

二兩酥炙去皮子

枳殼

二兩麩炒

木香

檳榔

半夏

各半兩

右為細末姜糊丸桐子大姜湯下三十九丸食後臨

卧服

祛風丸

皂莢_君 車前子 赤茯苓 木香 檳榔

枳實 大黃 牽牛 青皮 陳皮

半夏

右為細末米飲丸桐子大三十九姜湯下

備急五噎丸

皂莢 乾薑 桂_{各等分}

右為細末蜜丸桐子大酒米飲下五丸

小枳殼丸

枳殼 茯苓 白朮 乾薑 半夏_{各等分}

檳榔木香例

導飲丸

枳殼 木香 檳榔 青皮 白朮 陳皮

半夏 茯苓 三稜_{各等分} 廣茂

一法加牽牛用生姜自然汁糊為丸

三倍丸

木香_{一兩} 青皮_{二兩} 半夏_{三兩}

右細末姜糊丸姜湯下

小檳榔丸

木香 一兩二錢半 檳榔 枳實 三兩五錢半 大黃 五兩

牽牛頭末 二兩

右細末水丸加青皮為氣針丸一法去大黃加乾姜以其所傷有寒熱之異也去枳殼大黃加陳皮乾姜為檳榔丸

大檳榔丸

木香 三錢 檳榔 三錢 枳殼 半兩 大黃 一兩

青皮 半兩 陳皮 半兩 黃連 黃柏

廣茂 各三錢 當歸 香附子 炒 牽牛末 以上各一兩

右二藥生姜糊丸菘豆大姜湯下二十九丸並實熱人可以服 一法枳實木香檳榔青皮陳皮三稜廣茂枳殼夫黃牽牛為細末糊丸桐子大 一法去大黃牽牛加神麩麥孽

三稜丸

治男子婦人癥瘕痞積聚成塊不散堅滿胞膈痞悶飲食不下兩脅時痛一切腹脹積聚等證並皆治之

人參 三錢 木香 三錢半 檳榔 三錢半 白朮 一兩

三稜一兩半 廣茂六錢半

右細末生姜汁糊丸桐子大臨卧生姜湯下三四
十丸 一法為散每日空心沸湯調服三錢早晚
各一服

木香三稜丸

木香兩半 三稜一兩半 廣茂兩一 香附子兩四

右加甘遂為泄水丸 加甘遂牽牛茴香為泄水
散姜汁調下 子和泄水丸藏用丸一料加甘遂
一兩

泄水散

牽牛頭末一兩 木香兩二 茴香一兩 甘遂三錢半

右調細末姜汁調一二錢

錢氏宣風散

牽牛末一兩 檳榔斤二 陳皮 甘草各半兩

右細末食前蜜水調半錢或一錢

錢氏利驚丸

輕粉錢一 天竺黃錢二 青黛錢一 牽牛末兩半

右細末蜜丸豌豆大薄荷湯下 加半夏為軟金

丸

守真藏用丸 遍身疼痛者加白芥子為應痛元

大熱瘡痒者加芒硝為解毒丸 腸胃燥澀者加

郁李仁為潤腸丸 日久成積者加蜜陀僧為消

積丸 加莨仁為莨仁丸 加桂陳橘皮茴香為

和中丸 加木香枳榔為彌善丸 加薄荷川黃

連川芎為神芎丸

通聖散加 地骨皮 甘菊花 生地黄

蜜丸通聖菊花丸 加天麻甘菊熟地黃蜜丸為

通聖天麻丸 右藥丸如彈子大每服一丸

大抵通聖散解利治實人外傷傳染有形大便結者
效非仲景本藥也與易老羗活散加大黃同意若
內傷冷物寸口小者變證必矣戒之戒之

泄水丸散治脚瘡中痛法在十棗湯後蓋厥陰分也
木香定痛丸

治遠年近日患腰脚疼痛不能起坐氣血凝滯走
產疼痛一切腰痛

木香 兩半 青皮 二錢 陳皮 二錢 大黃 兩

黑牽牛

二兩一本
本七錢

甘遂

二錢

茴香

二錢半

川芎

二錢半

白芥子

炒一錢半

當歸

三錢半

沒藥

二錢

右細末酒糊丸桐子大每服一十五丸二十九食前臨卧温湯下

仲景附子湯

此下五方當在少陽條下

附子

人參

白朮

茯苓

芍藥

四物附子湯

治風濕相搏骨節煩痛四肢拘急不可屈伸近日

則自汗出而氣短小便不利惡風不欲去衣或頭面手足時時浮腫

附子

炮一錢

桂心

八錢

白朮

六錢

甘草

炙四錢

生姜

六錢

右呔咀水一升半煮取八合分三服微汗愈對病加減 大汗煩者三服三合 體重者加防已八錢 悸氣小便不利者加茯苓六錢

仲景甘草附子湯 此四物附子湯無乾姜

附子湯

此湯在四君子湯條下

治濕痺緩風身體疼痛如拆肉弩割雖刺

四君子湯加桂附芍藥 白朮附子為君而多

右七味水一升煮六合分三服對證增損

易簡附子湯 與附子同在少陰姜附湯下

萬病無憂散

木香 胡椒各半錢 黃芪 木通 陳皮

桑白皮 白朮各一錢 黑牽牛末六錢

右七味細末二錢七牽牛末二錢七空心姜湯調

服

枳實丸

枳實三錢 大黃半兩 牽半兩

右三味為末與子和細水丸為小兒通膈丸加皂

角為祛風丸

搜風利膈丸

大黃煨二兩 牽牛炒二兩 芒硝半兩

右細末糊丸菥豆大量虛實加減

玄胡丸

古方玄胡丸 此藥當在無條論內外感也

玄胡一兩

青皮五錢

陳皮五錢

乾姜三錢

木香

三稜

廣茂

各四錢

當歸

雄黃

另碾各三錢

右細末酒糊丸桐子大

洗洗麩孽丸

青皮

去白陳皮

去白三稜

廣茂

木香

檳榔

半夏

製白朮

麥蘖

姜屑

神麩

各等分

右為細末糊丸溫水下二三十九無時已上凡泄

後服白粥一二日忌油膩肉食恐成疝也

醫壘元戎卷第十一



